

Guangjsih Minzczu Bau

ganhhau: CN45-0036 B.2019 Nd.10 Ng.30 liggaueq geijhah nienz ndwencib cosam

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3397 期

Gaiq Nduj Daengx Gih Lauxsae Caeuq Swhfanswngh Cuengh Gun Song Vahsaw Vahcuengh Son'gyauq Bonjsaeh Doxdax Youq Nanzningz Banh

Bonjbauq siusik(gicej Cau Dwz-feih) Ndwen 10 ngoenz 26 daengz 27, gaiq nduj daengx gih lauxsae caeuq swhfanswngh Cuengh Gun song vahsaw Vahcuengh son'gyauq bonjsaeh doxdax youz Swcigih Gyauyuzdingh cawjbanh, Nanzningz Swhfan Dayoz ciepbanh haenx youq Nanzningz Swhfan Dayoz banh, Swcigih Gyauyuzdingh Minzczu Gyauyuzcu cucangj Cinz Yengenh, Nanzningz Swhfan Dayoz Dangjvej cangzvej Liengz Gyahbinh camgya haepmuqsik caemhcaiq gangjavah.

Cinz Yengenh naeuz daengz Cuengh Gun song vahsaw son'gyauq dwg gij gapbaenz bouhfaenh youqgaenj minzczu gyauyuz gih raeuz, dwg hangh daejyienh minzczu cwngcwz dangj caeuq guekgya youq gih raeuz ndaej saedhengz, de miz gij cozyung gyagiengz minzczu doxgiet, swncienz caeuq fatyiengz gij cienzdoengj vwnzva maenhndei Bouxcuengh, son'gyauq daezsang cunghab suciz hagseng Bouxcuengh. Swcigih Gyauyuzdingh cujcz banh gaiq nduj daengx gih lauxsae caeuq swhfanswngh Cuengh Gun song vahsaw Vahcuengh son'gyauq bonjsaeh doxdax, fuengmienh ndeu ndaej engq ndei "yungh doxdax coi hag", hawj caezgya aen daizheiq doxdax bonjsaeh, langhbaej dungxcaiz ndeu, hawj gyoengq lauxsae Cuengh Gun song vahsaw miz gij heiqfaenh ndei gaenx lienh bonjsaeh, hag ndei bonjsaeh, lingh fuengmienh ndaej "yungh doxdax coi son", coicaenh hagdangz cietsaed gyagiengz bonjsaeh son'gyauq, cienzmienh daezsang gij caetliengh Cuengh Gun song vahsaw gih raeuz.

Liengz Gyahbinh naeuz daengz



▲Boux senjsouj ndaej ciengj hwnjdaiz lingx ciengj.

Nanzningz Swhfan Dayoz cungfaen yungh gijndei swhyenz guhhong gaxgonq son'gyauq, guh ndei diuzroen guhhong gaxgonq guhhong doeklaeng caezcaemh. Daj bi 2014 hainduj, aen hagdangz neix rapdawz diuzrap son'gyauq dinghyiengq lauxsae Cuengh Gun song vahsaw siujyoz conghoh cwngzsw daengx gih gauhcungh hainduj, saedhengz le "aen gunghcwngz son'gyauq lauxsae mizmingz sonhag Cuengh Gun song vahsaw Gvangjsih", lai baez haiguh son'gyauq lauxsae Cuengh Gun song vahsaw, yinxlingx le gij sonhag hagdangz Cuengh Gun song vahsaw, gohyenz gajgwz.

Doxdax faen baenz cuj lauxsae

caeuq cuj hagseng, gungh miz 88 boux senjsouj camgya doxdax. Ndawde cuj lauxsae dwg 68 boux lauxsae Cuengh Gun song vahsaw 53 aen siujyoz daengx gih 37 aen si(yienh, gih), cuj hagseng dwg 20 boux hagseng dinghyiengq mbouj sou cienz siujyoz gyauyuz ciennieb (Cuengh Gun song vahsaw fuengyiengq) Nanzningz Swhfan Dayoz caeuq Gvangjsih Minzczu Swhfan Yozyen. Doxdax faen "dajveh sonhag" caeuq "ciuqei hwnjdangz caeuq dajveh raiz hwzbanj" song aen hothoh. Ging-gvaq ngoenz buenq doxdax, gungh bingz ok 8 boux it daengjciengj, 18 boux ngeih daengjciengj, 27 boux sam daengjciengj.

Liujcwngz Yen Haiguh Vwnzyi Banggungz Hozdung Coicaenh Minzczu Doxgiet Cinbu Yaugoj Yienhda

Mboengqneix, Liujcwngz Yen youq yienhsingz Bwzyangz Gvangjcanz banh vut gungz gunggeng minzczu doxgiet vwnzyi cozbinj baijyawj, yungh gij yisuz hingzsi ingjsiengq, suhfaz, sei doiq, langhbaej gij cingzcik gaih-donsing Liujcwngz Yen vut gungz gunggeng cauhlaeb minzczu doxgiet aeundaej haenx, sonyinx daengx biengz gak hangz gak nieb haeujsim gungz-hoj, hag yienghndei henzgyawj, senhconz gij ndei vunz bingzciengz, gungganq gij funghsang ndei ndaw-biengz, gyagiengz gij rengz gietcomz minzczu sou ndaej yaugoj yienhda.

Baez canjlanj neix, gungh baij ok cozbinj ingjsiengq 60 fuk, suhfaz, sei

doiq cozbinj ca mbouj geijlai 30 fuk. Cungfaen fatok gij cozyung vwnzyi cozbinj yungh faenz bang cei, yungh faenz bang caiz, yungh faenz gamjdoengh vunz, aeu gij cingsaenz doenghlig hawj gyoengqvunz, gikcoi daengx yienh vunz bae guh hong vut gungz gunggeng, vih doicaenh Liujcwngz lajmbanj saenqhwngh bangrengz, caez hwnjguh aen gvaranz minzczu doxgiet doxhuz gyaunde.

Vih cungfaen langhbaej gij cingz-cik ndei hong cauhlaeb minzczu doxgiet cinbu vut gungz gunggeng daengx yienh, bi 2017 hainduj, Liujcwngz Yenvej Senhconzbu, Yen Fuzbinzban daengj bumwnz lienzhab haiguh baenz-

dauq banggungz gunggeng ciendaez vwnzyi caijfungh hozdung. Boux-guhhong vwnzyi bonjdieg Liujcwngz cawjdoengh guh, bae gak yanghcin, segih, mbanj, bae daengz gyang reih gyang naz, haeujgyawj roxnyinh gij bienqvaq Liujcwngz hengzguh cwngcwz banggungz doxdaej haenx, aeundaej haujlai sucaiz sengdoengh, cauuhguh ok buek vwnzyi cozbinj cauuhduj ndeu fanjyingj Liujcwngz minzczu doxgiet cinbu, hwnjguh lajmbanj saenqhwngh, caeuq gij cingzgvang moq, diemjrongh caeuq cingzcik hong vut gungz gunggeng.

(Veiz Gyausangh)

SIUSIK DINJ

● Bineix doxdaej, Denhdwngj Yen aeu hong banggungz couhnieb baij youq dieg youqgaenj, comz-yawj gyoengq vunz gungz-hoj, gaenxmaenx haiguh hozdung cienhangh fugsah couhnieb, cinjing haiguh hwnj ranz son'gyauq din-fwngz, mboujduenh daezsang gij naengzlig gag hwngfat gyoengq vunz gungzhoj, aeundaej cingzcik ndei.

(Leiz Liginh)

● Mboengqneix, Denz-linz Yen Gyauidunghgiz bae daengz aen mbanj lienzhaeh banggungz Gyalangj Cunh haiguh hozdung ngoenz banggungz, gangj cwngcwz soengq raeuj, gajgez gij saedsah hojnanz ranzgungzhoj, giensoengq 3 fanh maenz haeujcoengh Gyalangj Cunh hwnjguh giekdaj sezsih, cietsaed gajgez gij hojnanz vunzlai, fuengbienh vunzlai guhhong gvaq ndwenngoenz. Caemh-caiq haeuj ranz soengq gaidakbuh daengj doxgaiq ngoenzyungh hawj ranzgungzhoj.

(Lij Cangzcingh)

● Ndwen 10 ngoenz 24 daengz 26, Gvangjdungh Gvangjsih minzyingz giyez siuhfei banggungz doxdoiq hozdung youq Baksak Si banh. Mwh hozdung, lai aen giyez camgya dingh cawx gij doxgaiq reihnaz caeuq fugsah Gvangjsih 54 aen yienh gungzhoj, Gvangjdungh mizgven giyez naemj soucawx mauhgvaq 3 ik maenz, yienhciegz ciemdingh hezyi daengz 1.33 ik maenz.

(Cangh Fangh)

● Bineix doxdaej, Dasinh Yen cujcz bouxcagnyienh bujfaz bouxcz haiguh aen hozdung senhconz ciendaez bujfaz "fazci senhconz haeuj segih haeuj lajmbanj, bujfaz eiqsik haeuj simvunz", caenh-itbouh gyagiengz gij ligdoh lajmbanj fazci senhconz gyauyuz, mboujduenh gyagiengz gyoengq vunz fapldw eiqsik caeuq fapceih gvanhnen, fungfouq vunzlai lajmbanj fapldw cihsiz.

(Vangz Dwzminz)